

طاهر مختار

حديث العصر

الجزء الأول

أشعار

الطبعة الأولى مايو 2018

بطاقة الكتاب

عنوان المؤلف : حديث العصر
المؤلف : طاهر مختار
التصنيف : أشعار (الجزء الأول)
رقم الإيداع : 2018-10797
الترقيم الدولي : 978-977-6656-00-0
عدد الصفحات : 100 صفحة
رقم الإصدار الداخلي: 170
تاريخ الإصدار الداخلي: مايو 2018 (الطبعة الأولى)

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجي عبد المنعم

المدير العام

جابر الزهيري



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنترال 13 - عقار 304

ج.م.ع. محافظة المنيا - أبو قرقاص - شرق الترمة - خلف محطة السكة الحديد - هاتف 086214428

ج.م.ع. محافظة القليوبية - مركز طوخ - إيمى - هاتف 0132424735

(الفرع)

الإهداء

إلى كل أحابى
أسرتى
وطنى
أصدقائى
قرائى
أقدم لكم جميعا باكورة أعمالى
علها تعكس حبى لكم جميعا

الشاعر
طاهر مختار

يا أهل العلم والحكمة

يا أهل العلم والحكمة
علمونا ازاي نشق طريقنا
ونخالي العلم نور وسلاح ينفعنا.
علمونا ازاي نحافظ ع العشره
ونكون إيد واحده ونبعد عن العزله
ونخلي الحب والخير من تاني يجمعنا.
علمونا ازاي نكون قد المسؤولينه
ونعرف نحل مشاكلنا
وتكون السعادة من حظنا ونصبنا.
علمونا ازاي نراعي ربنا و ضمائرنا
ونشوف الصح والشئ اللي ينفعنا
ويرسم الفرحة ع وجوهنا.
علمونا ازاي نحب بلدنا مصر العزيزة الغاليه
آلي بتسعدنا وتنور شموع أحلامنا.
علمونا ازاي نتمسك بديننا
ونحافظ ع مبادئنا ونخلي القرآن

سر السعادة بالنسبه لنا.
علمونا ازي نحمد ربنا ع النعمه
ونرضى بنصيبنا ونحافظ على بيوتنا
ونبعد الشيطان من طريقنا.
علمونا ازي نحب ونختار
اللي يناسبنا ويكون من مقامنا
عشان نكمل مع بعض مشوارنا.
علمونا ازي نكون قد كلمتنا
ونحافظ ع مشاعر غيرنا
مش نضحك على بعض ونتسلى
والاخر تنتهي بفشالنا ونزول دموعنا..
علمونا ازي نحافظ على فكرنا وابداعنا
ونقدم اجمل شئ يناسبنا ويسعد جمهورنا.
دي قصيده مهمه لأهل العلم والحكمة
آلى بيهم نرتاح ف حياتنا
وتكون السعادة من نصيبنا.
شاعر العصر صاحب كلمه
لها مضمون ومعنى يفيدنا وينفعنا
بقصيده جميله
تتال إعجابنا وتحسن من أخلاقنا.....

ف كلام يشغلنا ويسيطر ع أفكارنا ويكون دافع لفشالنا.
وف كلام يسعدنا ويريحنا ويزيل دموعنا ويكون دافع لنجاحنا
وتحقيق السعاده آلي تناسبنا.
وف كلام يجرحنا ويخرجنا عن شعورنا ويكون دافع لهالكنا
وتشويه صورتنا.
وف كلام يحسن من أخلاقنا ويكون دافع لهدايتنا وسر
السعادة بالنسبانا.
وف كلام يزعلنا ويخالينا نخالف طريقنا ونبعد عن كل شئ
جميل كان حلوف نظرنا.
وف كلام يفرحنا ويرسم السعاده ع وجوهنا وتكون الفرحة
من حظنا ونصبنا.
وف كلام يضر بصحتنا ويضايقتنا ويخالينا نفقد أعصابنا
وننسى حبنا لبعض وإحترامنا.
وف كلام يقربنا من بعض مش يبعدنا ويكون دافع لهدايتنا
وتحسين صورتنا قدام أعز وأغلى شئ بالنسبانا.
وف كلام يذود همومنا ويقضي ع حياتنا ويخالينا ندوس
على كل حاجه حلوه كانت ف يوم بتجمعنا.
وف كلام يفدنا وينفعنا ويخالينا نحقق احلامنا ويكون دافع
لتعديل أخطأنا وعيوبنا.

وف كلام يبعدنا ويكون دافع لإتفصالنا واستسلمنا بعد عشرة
سنين كانت في يوم ما بيننا.
وف كلام يجمعنا ويخالي الحب والخير دائما ف طريقنا
ويكون دافع لإثبات وجودنا وجدارتنا
دي قصيده مهمه هاتفدنا وتنفعنا ونعرف ان الكلام هو آلي
بيحدد مصيرنا.
وربنا مطلع ع أعمالنا ومسؤولين عن كل كلمه بتطلع من
لسانا واحنا آلي بنختار طريقنا.
شاعر العصر صاحب كلمه لها مضمون ومعنى يفدنا وينفعنا
بقصيده جميله تنال إعجابنا وتحسن من أخلاقنا.

جرح الحبيب

آه من جرح الحبيب
لما يتكلم عن شخص غريب
وتحس انه فرحان بيه وسعيد.
ومعتبرك أخ وصديق
وكلامه عنه كأنه بالنسبالة
حدث جديد.
وقلبك مكسور وحزين
ولو صارحته بحبك كلامه
ليك نظام تهديد.
نسي حبك ليه وخوفك عليه
لكن نقول دا نصيب
وصحابك هو المستفيد.
ولو عاتبته أوام وبسرعه
يخالف الطريق وكره ليك بيذيد.
تنزل دموعك من عنيك وهو مش حاسيس
بيك وانت بالنسبالة شئ بعيد.
طلع ناكر للجميل ومش مقدر حبك ليه
تضطر تعيش بقيت عمرك وحيد.

ووقت الشده يحتاجلك
عشان كنت بالنسباله ضوء ينور له
الطريق بس حب صدقتي مش أكيد.
عشان بتحبه بسرعه تجري
يمكن يغير رأيه فيك ويرجعك من جديد.
لكن المفروض تغدر بيه
ومتسألش ف يوم عليه وتعوض
جرحه ليك وف النهايه عشتك
معاه مش هاتفيد.
لكن قلبك كبير والمسامح كريم
وعشان حبيته مستحيل انك
تيتخلى عنه وتعيش وحيد.

الغرور

من طبعه حاسس بجماله
وشايف نفسه.
فاكر إن مافيش زيه
والكل بيتكلم عنه وعن جماله وحسنه.
طبع فيه من صغره
والكل دايب ف غرامه وحبه.
لكن ساعات بيسأل نفسه
ياتري مين فيهم اللي بتحبه.
وهيمانه ف كلامه وصورته
وبتجيب دايمًا ف سرته .
عايش ف الدنيا ومحدث عاجبه
مع الرغم نصيبه ف حزنه.
لكن دايمًا بيهرب منه وأوهام كثير
بتشغل فكره ولما بيحس
أنه محدش عايزه.
يبكي ويفضل يراجع نفسه
ويفضل الوحده وساعات يحس بذنبه.

واوام وبسرعه يغيب عن وعيه
 ويفضل متمسك برأيه
 بعد ما يرجع لعقله.
 يفضل يدور ع واحده تناسبه يلاقيها
 تصده ورافضه حبه.
 ولسه الغرور مسيطر ع عقله وايام العمر
 بتعدي منه وواقف في محله.
 كان فاكرا أنه بكلمه الكل هاشتاق له
 ومحتاج نظره منه لكن فكره
 وغروره خدعه.
 واصبحت صدمه واقفه ف طريقه
 طول عمره ولسه عايز يجرب حظه.
 بعد ما العمر قرب ينتهي
 ويفارقه لسه الغرام والحب شاغل فكره.
 لكن مغرور ومحدث راضي
 يجي جنبه ولا حتي بكلمه
 طيبه تسعد قلبه.
 كان فاكرا نفسه حاجه والكل
 خدام عنده عشان جماله وحسنه وخفت دمه.
 ودلوقت بيلوم نفسه ورجع

لزوجته وضمها ف حضنه
ورضي بنصيبه ورجع لربه.
ولو حد كلمه مش شايفه مشغول
بحب الله وبعوض سنين ظلمه.
لكل شخص عاشره ومحافظ
ع بيته وربه ومافيش مكان للغرور
ولا الغرام ف قلبه...

إحساس جميل

احساس جميل بالنسبه لنا
لما نحس بالإيمان داخل قلوبنا.
ونعرف إزاي نحافظ ع النعمه
ونراعي ربنا وضمائرننا.
هاتحلو الدنيا ف نظرنا وربنا يبارك
ف أرزاقنا وتكون السعادة
من حظنا ونصبنا.
والحب والخير يجمعنا
ونعيش الحياه
ونكمل فيها مشوارنا.
والعشره تدووم مابيننا
ونبعد الشيطان
عن طريقنا
ونحافظ دايما ع أخلاقنا.
ونعرف نختار آلي يناسبنا
ويكون من مقامنا

وترتاح أعصابنا
والفرحه ماله قلوبنا.
ونحسن دايمًا من أخطائنا
ونعالج عيوبنا حتى لو الشيطان
ف مره شغلنا.
وحاول يفسد علينا حبنا لبعض
وإحترامنا الايمان نعمه
بس نسعي ونرضي اللي خلقنا.
دا دنيا زايله مهما طال العمر
الموت ف إنتظارنا عشان كده
لازم نراجع حساباتنا.
ونبتدي من النهارده
نشوف الصح
والشئ اللي ينفعنا.
ونرضي ربنا وغيرنا
وننسى أي شئ
كان سبب ف انفصالنا
ونزول دموعنا.
احساس جميل لازم يشغلنا
عن أي شئ ف الدنيا وهايكون

دافع لهدايتنا.
نفسنا ف الجنه واكيد قصيده
مهمه هاتلفت نظرنا
وتكون بدايه جميله تسعدنا
وتتور شموع أحلامنا.
شاعرالعصر صاحب كلمه
لها مضمون ومعنى يفدنا
وينفعنا بقصيده جميله تنال
إعجابنا وتحسن من أخلاقنا.

قسمه ونصيب

شوف النصيب والقسمه
لما يجمع شمل الأحبه
والحب والخير من تاني يجمعنا.
تحلو الدنيا ف نظرنا وما فيش
حاجه تجرحنا ولا تقف ف طريقنا.
الكلام الجميل بس اللي يشغلنا
ويسيطر ع أفكارنا.
محدث يقدر يعاتبنا ونكون إيد واحده
والسعاده طيف دايم ملازمنا.
ونتحمل المسئوليه ونحل
بنفسنا مشاكلنا ونداري ع أسرارنا.
ومحدث يدخل مابيننا ويفسد
علينا حياتنا ويكون دافع
لفشالنا وتشويه سمعتنا.
ونبقي مثل أعلى لأولادنا
ولغيرنا والكل يقدر حبنا
لبعض واخلاصنا.

ونفيد بعض بقلوبنا الصافيه
والعشره وحب الناس لنا واحترامنا.
وننسى اي عقبه كانت هاتكون
دافع لفراقنا ونزول دموعنا.
لكن ربنا نصرنا وظهر نفوسنا
وخلى الحب من تاني يجمعنا.
بعد ما خلاص تعبنا وخرجنا
عن شعورنا واصبح الحب
مجرد زكرى تنتهي بعذابنا.
لكن ربنا جمعنا وزال دموعنا
واتفتحت أبواب الرحمه وحاس
بهمومنا وف النهايه أصبحت
السعادة من نصبنا.
ظهرت الفرحة والضحكه الحلوه
وكل حاجه جميله كانت ف يوم بتربطنا.
مهما مرت الأيام علينا مستحيل
شخص يفرقنا او يكون دافع لفشاننا
وتشويه صورتنا.
وهو دا الحب المفروض يكون
مسيطر ع عقولنا وحقيقه جميله تنور شموع أحلامنا.

إرجع عن قرارك

إرجع عن قرارك وبلاش تخالف ضميرك
دا ربنا مطلع ع أسرارك وعارف
آلي بيدور ف أفكارك.
خالي الحلال طريقك يسعدك وينور
شموع أحلامك وتكون مثل أعلى لأولادك.
وبلاش تغدر بغيرك وتخلي الشيطان
يكون دليلك وعنوانك.
وأرضى بنصيبك حتى لو قليل
لكن يسعدك ويريح أعصابك.
وبلاش تسمع كلام مراتك وأمشي
زي ما ربنا أمرك وحافظ دايم ع أخلاقك.
لو وقعت محدش هايرحمك ولا
هايسيبك وتقضي بقيت عمرك
ف زنزانه والكل هايبيعك.
وتنزل من نظر الكل حنى آلي حبك
واتمنى يكون ف يوم خدامك.

إهدى وحكم عقلك وضميرك
وعيش ع قدك وبلاش تخسر
حيويتك وشبابك.
صدقني دي نصيحه وشاعر العصر
بيقدمها لك وانت اللي بتختار
سكتك وطريقك.
وانسى أنك تمشي ف طريق يكون
دافع لفشلك وانهيارك
والنهايه هاتكون مؤلمه
بالنسبالك.
عمر الحرام ماهايفيدك
ويعطي من مقامك اختار الصح
والشئ اللي ينفعك ويفيدك....

ماكانش دا كلامك

ماكانش دا كلامك
لما كنت مغرم بجمالك
لكن حاسيس دايم بحسنك ودلالك.
لما عرفت اني حبيتك وعاشق
حبك ليه واحترامك.
لكن دا طبعك من يومك تقدر تضحك
ع غيرك وف الآخر بتنهي علاقاتك.
بسبب غرورك وكبرياك وفاكر
ان مافيش حد يقدر يقف ف طريقك.
ويعرف حقيقة أسرارك ويفسد عليك
إنجازك وحبك للمال ع حساب
أعز شئ بالنسبالك.
مع الرغم الحل ف إنذك وتقدر تفرح
آللي قدامك بحبك له واحترامك.
لكن دموعك سابقه كلامك
وعايش دور الضحية عشان
تستولي على حب اللي قدامك.

وتعرف تعيش حياتك وبسهوله
تبيع حبيبك آلي عاش
سنين ف إنتظارك.
واصبحت قضيه مجهوله
الحكم فيها يعود بخساره
وف النهايه مش هاتفيدك.
حاول تصلح عيبك وتفتكر
اللي حبك وضحي كتير عشائك.
وبلاش كتر كلام وتسمع لغيرك
وتعيش أوهام مش موجوده
غير بس ف خيالك.
اهدى وحكم عقلك وضميرك
وحس باللي قدامك وشوف
معني الحب وبلاش تخالف ضميرك.
دي نصيحه وشاعر العصر
بيقدمهالك وانت اللي بتختار
سكتك وطريقك.
والدنيا لسه قدامك وانت المسؤول
عن تصرفاتك وربنا مطلع ع أعمالك.
او عي تفتكر انك بغدرك

هاتسعد كل أحبابك صدقني
ياعزيزي هاتكون دافع
لفشلك وانهيارك.
لما تحس بالوحده وتفتكر
أجمل ذكرياتك وقد ايه الظلم
كان شاغل كل حياتك.

ماقدرش ألومك

ماقدرش ألومك ولا أعاتبك
ولا هاقول كلام يجرح مشاعرك
نظره واحده من عيني تخاليك
ترجع لوعيك وتفتكر أني كنت ف يوم
من الأيام بحبك.
لكن دا طبعك من يوم ماعرفتك
ومستحيل هالفت نظرك
وأعيش أتمنى قربك.
مع الرغم عمري ماجرحتك
وأخلصت ف حبك ومستحيل
أخاليك ترجع عن رأيك.
هاقول الله يسامحك ع ظلمك
ليه وغدرك بعد القلب ماحبك .
وف انتظار كلمه منك ترجع
فرحتي وتفضل دايمًا عند وعدك.
لكن أنت مش ف وعيك عمال
تجرح وتزعك كإني خدام عندك.

مش كنت ف يوم حبيبك والدليل
عندك لكن هي دي الحقيقة
ولازم أسامحك.
عشان قلبي حبك واللي يحب
يتحمل ظلم الشخص اللي
كان ف يوم ملكك.
ومستحيل أرجعك وهاحاول
أنسى حبك وافكر ظلمك ليه وجرحك.
وهاكمل مشواري وعرفك
مين هو اللي كان السبب ف البعد عنك.
وهي دي رسالتي مكتوبه
وانت آلي حر في اختيارك
وحقيقة مشاعرك.
وافكر إني كنت في يوم من الأيام
بحبك ومخلص لحبك لكن دا كان رأيك.

إِظْلَمْنَا

إِظْلَمْنَا مِنْ نَاسٍ
كَانَتْ بِتَرْسَمِ الْفَرْحَةِ
فَ عَيُونَا وَالْغَدْرِ كَانَ مَلَازِمَنَا.
وَإِتَحَرَّمْنَا مِنْ كُلِّ شَيْءٍ
جَمِيلٍ بِيَسْعَدُنَا.
لَكِنْ حَاسِينَا بَغْلَطْتَنَا وَاعْتَذَرْنَا
وَمَحْدَشَ فِيهِمْ قَبْلَ مَنْ بَعْدَ ظْلَمِنَا
لِيهِمْ وَسُوءُ تَصَرُّقِنَا.
عَشْنَا فِ وَحْدِهِ وَالْحَزْنَ مَعِشْشَ
بَيْنَ أَحْضَانَا وَالْجَرْحَ طِيفَ بِيَلَازِمِنَا.
إِفْتَرَقْنَا وَفَضَلْنَا
الْغُرْبَةَ وَالْدُمُوعَ سَايِلَهُ
وَالْحَقِيقَةَ وَاضِحَهُ قَدَامَ عَيْنَا.
وَعَشْنَا صِرَاعَ مَعَ الدُّنْيَا بِنَدُورٍ
عَلَى السَّعَادَةِ وَالْفَرْحَةِ أَلَّيْ تَنَاسَبِنَا.
لَكِنْ لِلْأَسْفِ حَيَاةَ بَلَى مَعْنَى
وَحَقِيقَتَهُ مُؤَلِّمَهُ دَائِمًا تَشْغَلُنَا

وشئ مؤلم بالنسبالنا.
حاولنا مره ثانيه أننا نعوض
ظلمنا ونرجع الكلمه الحلوه
لكن دي نتيجة
تسرعنا واندافعنا.
والكره آلي مالي
قلوبنا خلال سنين
حياتنا كان لازم نحكم
عقولنا وضمائرنا.
ونحافظ ع العشره آلي بينا
ونحسن من أخلاقنا
لكن دي نتيجة أعمالنا.
بعد حبهم لينا مع مرور
أيماننا لكن طبيعه فينا من يوم ما اتوالدنا.
دي قصيده مهمه
هاتفدنا وتنفعنا
وازاي نحافظ ع كل شخص
حبنا واتمنى
يكون شمعته تنور قلوبنا.
وتحسن دايمًا

من عيوبنا وأخطأنا
ونحافظ ع أخلاقنا ونسعدهم
ونكمل معاهم مشوارنا.
مش نغدر بيهم بعد الحب
آلي بينا خلال سنين حياتنا
من يوم ما اتولدنا
لحد ما إتفرقنا.
شاعر العصر صاحب كلمه
لها مضمون ومعنى يفيدنا
وينفعنا بقصيده جميله
تهدي من أعصابنا.
وبدايه جميله لتحسين
عيوبنا وأخطأنا
واكيد هتنال إعجابنا.

الحب هايفضل

مهما اختلفت أراضينا وسكننا
مسير الدنيا ف يوم تجمعنا.
يمكن ف البدايه فشلنا
واستسلمنا لظروف آلي
كانت دافع لهدم حياتنا.
لكن الحب هايفضل داخل
القلب ذكرى ومستحيل ننسى
كل شئ جميل كان بيجمعنا.
أولها الفرحه والبسمه
اللي كانت دايمًا بتملئ وشوشنا
والسعاده آلي بتحوظنا.
لكن الظروف كانت قاسيه
والفقر مشكله بتطاردنا
وظلم البعض لينا من يوم
ما إتقابلنا.
كان نفسنا نكون إيد واحده

ونبعد الشيطان والظروف عن طريقنا.
لكن انتهت بفراقنا والدموع
داخل قلوبنا مداريه وحاسين
دايما بجراحنا.
وأصبحت قضيه بتتعبنا مع مرور
الايام بتطاردنا وعشنا والحزن
معشش بين أحضاننا.
كان لازم نهدي ونفكر بالعقل
والحكمة ونشوف حلول تسعدنا
وتريح أعصابنا.
الحب بالنسبالنا كان نعمه بس
إحنا آلي إتسرعنا وسمعنا كلام غيرنا.
ودي نتيجة إهمالنا وتقصرنا
وكان لازم نواجه الدنيا
ونسعى ف حل مشاكلنا.
نبتي مع بعض صفحه
وندعي ربنا من قلوبنا
انه يحقق أحلامنا ويساعدنا.
ونحافظ ع حبنا ونفتح باب
يناسبنا ويكون دافع

لهدايتنا وتحسين صورتنا.
مش نبعد وتنتهي بفشالنا
والكل يسخر منا بعد حب سنين
و عشره كانت مابيننا.
دي قصيده مهمه هاتقدنا
وتنفعا ونعرف ان الحب
نعمه ولازم نواجه ظروفنا
ونحل مع بعض مشاكلنا.
ونبعد الناس والشيطان
من طريقنا ونكون إيد واحده
ونشوف الصبح والشئ اللي ينفعا.
شاعر العصر صاحب كلمه لها
مضمون ومعنى يفدنا وينفعا
بقصيده جميله تنال إعجابنا
وتحسن من أخلاقنا

كلام معقول

نتكلم كلام معقول يفيدنا
مش كلام يضرنا ويجرحنا
ويكون دافع لنفصالنا.
ليه العند والمجادله ونجرح بعض
بكلام يزعلنا بعد سنين حب وعشره
كانت ف يوم ما بينا.
دا ربنا مطلع ع أعمالنا وشايف
ظلمنا لبعض وخصامنا وطريقة تفكرنا.
ونسينا كل شئ جميل كان ف يوم
بيجمعنا من يوم ما جمعنا الدنيا
لنهاية ما افترقنا.
وأصبحت قضيه بالنسبانا
مع مرور الأيام بتطاردنا لمجرد
اننا إتسرعنا بكلام جرح غيرنا.
كان لازم نحافظ ع لسانا ونفكر
ف الكلام قبل مانبتدي نجرح آلي قدامنا.
لكن طبيعه فينا من يوم ما اتوالدنا

الكره والغيره مالىه دايمًا قلوبنا
وننسى العشره آلى بينا.
وكترت عيوبنا وأخطأنا وعشنا
ف عزله بسبب تسرعنا واندافعنا.
فيها إيه لو نزعنا الكره من قلوبنا
وراعينا ربنا ف طريقة كلامنا
وتحسين صورتنا.
قدام الناس اللي تحبنا وتعشقنا
وتخاف علينا ف وجودنا وغيابنا.
بكلام جميل يقربنا من بعض
مش يبعدنا ويكون دافع لهدايتنا
وتحسين صورتنا قدام أعز
وأغلى شئ بالنسبالنا.
دي قصيده مهمه هاتفيدنا
وتنفعنا ونعرف ان الكلام الطيب
هو آلى هايحافظ علينا طول مشوارنا.
وتستمر العشره مابينا ويبقى حب يسعدنا وينور شموع
أحلامنا.
شاعر العصر صاحب كلمه لها مضمون ومعنى يفدنا وينفعنا
بقصيده جميله تنال إعجابنا.

إمرأه غريبه

امرأه غريبه ف طبعها أصبح جوزها
مجرد مصلحه لو غاب يوم عن شغلها
تجري وتقول لأمها.
عمره ف يوم ما إشتقلها ولا حاسيس
بحبه لما يرجعلها كان نفسه تحبه
وضمه ف حضنها.
وتقدر غيابه لما ف يوم يرجعلها
وأصبح بالنسبالها مجرد فلوس
تمشي بيها نفسها.
عائشه معاه ومافيش حب بينها
وبينه يسعد قلبها ويكون
حبيب مسيطر ع عقلها.
وعارفه أنه بيحبها ومستحيل
يستغني ف يوم عنها لكن دي
الحقيقه وأنا عن نفسي بحاول أحلها.
وهو بيدفع تمن ظلمها وحبها

للفلوس من غير ماتقدر حبه لها.
أصبحت حياته مجرد مصفه بيملاها
مايه وتنزل من تحتها .
بيجري ويتعب ومش مقدره تعب
وشقاه وكل شويه عايذه تضيع وقتها.
راجع والفرحه ماليه قلبه تغير
بسرعه وشها يرجع وعمره ما ارتحلها.
لكن الخيانة مش من طبعها ورافضه
جوزها ينام ف حضنها.
لا راضيه بنصبها ورافضه الرجوع
لأهلها ومحافظه ع سرها داخل قلبها.
عشان عارفه ان حبيبها خدعها
واتخلي عنها وقت ما كان الحب
شاغل فكرها.
لا عايذه تنسى ذكراياتها ولا حب جوزها
اللي أصبح من نصيبها وحظها.
عرض عليها يطلقها ويفرقها بقت عمرها
لكن دمعته سابقه ردها.
رافضه الموضوع من أساسه
عشان خاطر بيتها وبنتها.

قال يعني مخلصه ومحافظه
ع جوزها وعشها وآخر السهره
تنام ف أوضه لوحدها.
مش عارف يعيش حياته من يوم
ما حبها لكن دي الحقيقه وأنا وضحتها.
بیراجع حساباته يمكن مقصر
ف حقها لكن حبها القديم شاغل كل وقتها.
مع الرغم خيانتة لها ومقدرش
مشاعرها وقت ما كان بيحبها.
تفتكر الكلام الجميل وتنسى خيانتة
لها وتفضل متعلقه بيه ومش
حاسه بتعب جوزها آلي بيحاول يزيل دمعها.
بيسأل نفسه ويقول لو كنت
اعرف وقتها كنت إنسحبت
وأعيش مع واحده تسعدني
وضمني ف حضنها.
فضلت العزله واصبحت مجرد
خزنه وقت ما تعوز تلاقي قرش
يسعدھا بقیة عمرھا.
لكن عایش حیاتی يمكن ف يوم

تقدر مشاعري وحبى نحوها.
أمل بعيد لكن مشكله لا ف صفي
ولا ف صفها عشان تنسى
حقيقة ظلمها.
ليه بعد ما حبيتها وأخلصت
لها وبسعي عشان أسعدها
ونسيتها حقيقة غدرها.
وظلمها ليه بعد ما كل شئ
بالنسباليها إنتهى لكن دي
الحقيقة وأصبحت مراتي قدام الناس كلها.....

ليالي الحب

الشمس والليل والقمر وليالي الحب
والسهر وأنا وأنت والطيور ع أغصان الشجر.
بحبك وكلي أمل وقلبي ببشتد عليه
الألم ومعاه تذكرة السفر
أوعى تفتكر إني خونتك أو حبيت
حد قبلك وتنسى ليالي السهر
يمكن أكون جرحتك واتخليت
ف يوم عنك لكن صدقتي يا حبيبي
دا حكم القدر
يمكن لو كنت عاشرتك ووجهنا صراع
الزمن كان انتهى الحب ف لمحت بصر.
خاليني بالنسباك زكري تفتكرها
كل لحظه تهون عليك قسوة البشر.
لكن هاتفضل معاه صورتك ومستحيل
أنسى ف يوم إسمك ولا هأنسى عيونك ياقمر
وافتكر إني بحبك ومقدرش

أستغني ف يوم عنك وانسى ليالي السمر
إنت كنت بالنسبالي ذكرى تبتدي
من النهارده وعشائك
هاواجه الخطر
كنت أجمل صدقه عايشه
معايه لحد النهارده
وأصبح ليها أثر.
وهاتحدي كل البشر
مهما كلفني الثمن
عشان خاطرك ياأقمر...

واجبنا

لازم نؤدي واجبنا تجاه
اللي خالقنا وحسن صورتنا.
نحافظ ع مشاعر غيرنا
وخصوصا أعز أصحابنا.
ف المدرسه والكلية حتى ف أعمالنا
عشان تدوم العشره مابينا.
بكلمه طيبه تكون دافع لرسم
البسمه ف قلوب الناس
اللي تحبنا وتعشقنا.
ونسمع كلام أهالينا اللي ربونا
وتعبوا عشانا وقاموا براعايتنا.
نحمد ربنا ع النعمه ونرضى
بنصبنا ونحافظ ع أخلاقنا وشرفنا.
هاتحلوا الدنيا ف نظرنا ونكون أصحاب
رأي وحكمه وشئ جميل دايمًا يشرفنا.
نتحمل المسئوليه ونكون إند واحده

ونبعد الشيطان عن طريقنا.
نهدى ونحكم عقولنا وبلاش ندخل
اي شخص يفسد علينا فرحتنا.
ونراعي أمور بيتنا ونعامل بعض
بالحسنى ونخالي الحب داخل قلوبنا.
ونبعد الكره من قلوبنا وبلاش نبص
لغيرنا ونشوف الشئ اللي ينفعنا
ويكون ف صالحنا.
حتى ف اختيارنا لأي شخص يناسبنا
ويكمل معانا بقيت حياتنا.
يكون من اهل القرآن والسنة وصاحب
حكمه تنفعنا وتقربنا من اللي خالقنا.
دي قصيده مهمه تفدنا وتنفعنا
وتساعدنا ع الطاعه اللي هاتكون
دافع لهدايتنا وتحسين صورتنا.
قدام أي شخص بيواجهنا وربنا
هاينصرنا ويعالي
من مقامنا ويطهر نفوسنا.
شاعر العصر صاحب كلمه لها
مضمون ومعنى يفيدنا

وينفعا بقصيده
جميله تقربنا من رب العزه
وتكون دافع لتحسين
عيوبنا وأخطأنا.
يارب اهدينا واصلح حالنا
وابعد الشر من طريقنا
وخلي الايمان
يملى دائما قلوبنا.....

حُسْن النية

لازم نفرغ من اوقاتنا شويه
ونقعد مع أولادنا ونقدم ليهم حسن نيتنا.
عشان يقدورا مشاعرنا ف غيابنا
ويفتكروا كل نصيحة قدمناها من وجهة نظرنا.
ليه البعد والمضايقه والاحساس
اللي مالوش لازمه نقدر المسئليه
وخوفنا ع اعز واغلى شئ ف حياتنا.
نعرفهم يعني ايه آخره وقرآن وسنه
ونبعد الشيطان عنهم اللي دايم بيواجهنا.
وكل شئ باللين والرحمه والضحكه
الحلوه ونبين ع وجوهنا الفرحة
عشان نعرف كل شئ عنهم بيجرحنا.
نتابع أخبارهم كل فتره بس من غير
مراقبه ونعطيهم الثقة لكن
ف حدود امكانياتنا.
ونمشي زي ما ربنا أمرنا ونعلمهم

الحكمه ونعرفهم معنى الدنيا وان
الفشل شئ هايكون دافع لنهيارنا.
حتى ف اسلوبنا معاهم وطريقة تفكرنا
لازم نكون ليهم مثل أعلى وتوضيح
الصوره الجميله اللي دايمًا تشغلنا.
وبلاش نعود ولادنا انهم يغلطوا
ف شخص معين قدامنا او
حتى يعرفوا أسرارنا.
دي قصيده مهمه تفدنا ف حياتنا
ونشوف ازاي نربي أولادنا
من غير ماحد يعدل علينا ويعاتبنا.
دي مرحله مهمه بالنسبالنا وبدايه
جميله لتحسين أوضاعنا
وازاي نحافظ ع أولادنا..
شاعرالعصر صاحب كلمه لها
مضمون ومعنى يفدنا وينفعنا
وبقدم جديد ومقدر احساسنا ومشاعرنا.
يارب بارك ف ولادنا وارزقنا
ع قد نيتنا واجعل السعاده
من نصبنا واحسن ختامنا...

الكلمه الطيبه

ليه الكلمه الطيبه صعبه ع قلوبنا
ونخسر ناس كانوا ف يوم أصحابنا.
الغرور والكبر اصبحت طبيعه
فينا من يوم ما اتوالدنا والكره
معشش بين أحضانا.
مع الرغم الكلمه الطيبه صدقه
والرسول بنفسه بلغنا ليه العند
والمجادله ونقول كلام يجرح غيرنا.
دا ربنا مطلع ع أعمالنا ومراقب
كل كلمه بتطلع من لسانا.
فيها ايه لو عبرنا عن شعورنا
بطريقه جميله لغيرنا لو حتى
عن طريق المجامله
بكلمه حلوه تريحنا.
وتسعد غيرنا لكن طبيعه فينا

وحاجه وشاغله دايمًا تفكرنا
ورافضين الكلمة الحلوه واصبحت
طيف دايمًا بيلازمنا ومش
عايزين حد يعدل علينا ولا يعاتبنا.
وفاكرين ان بكده هاندخل الجنة
وربنا هaisعدنا ويحسن ختامنا.
لكن الحقيقه مش ف صالحنا
عشان خالفنا أوامر المولى
بسبب كلمه كانت دافع لهاكنا
والنزول من نظر
ناس كانت تحبنا وتعشقنا.
فين العدل وفين الرحمه وفين
الكلمه الطيبه اللي
بتسعد قلوبنا وتفرحنا.
وتستمر العشره مابينا لكن
النتيجه اننا فشلنا وعشنا ف وحده
بسبب كلمه كانت دافع لفراقنا.
دي قصيده مهمه هاتقدنا وتنفعنا
عشان نحافظ ع طريقه كلامنا
ونراعي شعور غيرنا.

بكلمه طيبه ربنا يفرحنا ودوم
العشره مابينا حتى لو عن طريق
المجامله لكن تسعد اللي قدامنا.
شاعر العصر صاحب كلمه
لها مضمون ومعنى يفدنا
وينفعنا ويكون دافع لهدايتنا.
وتحسين عيوبنا ف المدرسه
والجامعه وداخل وخارج
بيوتنا بكلمه طيبه تنفعنا
وتحسن أخلاقنا..

مين فينا مش عايز الجنه

مين فينا مش عايز الجنه
يبقى لازم نعدل من عيوبنا
ونرضي إلهي خلقنا.
ونصفي أنفسنا ونبعد الشيطان
عن طريقنا ونحافظ ع أخلاقنا.
ونشوف الصح واللي يفدنا وتراجع
حساباتنا وندعي من قلوبنا
ان ربنا يحسن ختامنا.
عايشين الحياه بمزاجنا ودايما
شاغلين تفكرنا بشئ كانت دافع لفشالنا.
لازم نعلم ولادنا ونعرفهم أن الدنيا
زايله وربنا هايحاسبنا ع أعمالنا.
نربيههم ع القرآن والسنة عشان
لما نموت يدعولنا
نحافظ ع العشره إلهي بينا
ونقدم حبنا لبعض واحترامنا.

نسعى ف حل مشاكلنا ونسعد
نفسنا وغيرنا وندعي ربنا
انه يهدينا ويصلح حالنا.
ويخالي الشيطان يبعد عنا ويقبل
منا أعمالنا ويحافظ علينا ويصونا.
دي قصيده مهمه هاتفدنا وتنور
قلوبنا وتخالي الإيمان يملأ
قلوبنا ويشغل تفكرنا.
وترتاح أعصابنا والفرحه تكون
من نصبنا بس نراعي ربنا ضمائرنا
ف كل شئ يواجها.
شاعر العصر صاحب كلمه لها
مضمون ومعنى يسعدنا
ويقربنا من اللي خلقنا.
وبإذن الله الجنه تكون من نصبنا
لما نحس بالإيمان داخل قلوبنا
وسعاده داخل وخارج بيوتنا.
يارب أبعد الشر والشيطان من قلوبنا
وحافظ ع أخلاقنا وطهر نفوسنا....

زهقان

زهقان ف حياته كل شويه يؤمر
مراته مش بتسمع كلامه.
يضر بها تمسك ف خناقه يسايسها
تقول حاضر وف النهايه تخالف اللي قاله.
مش قادر عليها ومش مقدره
المسئليه حتى مش واخده بالها من عياله.
يشتكي لأهلها برضوا طبع فيها
وشاغل تفكيره أوام بسرعه
تنزل دموعه وكل يوم بسبها تزيد همومه.
ومشاكل كتير مع اهله وصحابه
وجيرانه وخسر ناس كتير ومش
عارف يحسن من أحواله.
مضايق والعيشه أصبحت عقبه
واقفه قدامه مش واخده بالها من
نفسها عشان تشرفه قدام أصحابه.
ولسانها زي السم بيخاف تتكلم كلام
يكون سر بينها وبينه وتفضح

وتهز صورته قدام كل اللي يعرفه
حتي جيرانه.
يكلمها عن امر الطاعه ويعرفها
حلاله من حرامه برضوا مش
عاجبها طريقة تفكيره.
تسرق فلوسه ومن وراه تقول
ماخدش حاجه وعارف اللي معاه
واللي ف جيبه.
يعدي ويسامح ورافض يطلقها
عشان عياله وع قد امكانياته
عايش معها وحاسيس بظروفه.
لكن دا حظه ونصيبه وع قد نيته
وأعماله ربنا رزقه بزوجه تخاليه
يطلع من هدومه.
والناس تسمع صوته والكل يعرف
أسراره عشان سمع كلامه مراته
واللي يطلع عمره ماينزل تاني
وكان بختياره.
بيدعي من قلبه ان ربنا يهديهاله
وتكون زوجه محترمه وتسمع

كلامه وداري ع أسرارہ.
تقعد ف وسط أصحابه داخل بيته
وتقول كلام مايصحش تقوله
وهو ف نص هدومه.
والضحكه عاليه ومش بتراعي شعوره
ودي حقيقه والبعض بيعاني لكن
مكتوبه ف صحيفه أعماله.
تكون مراته وتعيش معاه وتكمل
مشواره واتغيرت ملامحه
وكبر وهو ف عز شبابه.
كان نفسه يعيش ف سعادہ
والكل يقدره ويحترم كلامه لكن
بسبها اهتزت صورته وكيانه.
يارب اهداهاله وارزقه السعاده
وخاليها ف ميزان حسناته تراعيه
وتصونه وتحافظ ع كل حاجه حلوه
وتسعد أيامه زوجه صالحه وتقدر
تعبه وشقاه وتحافظ ع ماله وتكون
بدايه سعيده مع مرور أيامه.
دي قصيده مهمه هاتفيده

وتعالى من مقامه واصبر
عليها وربنا قادر يغير
كل شئ ف ثواني وترتاح اعصابه.
شاعر العصر صاحب كلمه
وبقدم ابداعه ومقدر ظروف
غيره وحاسيس بجرحه وعذابه.
يارب احفظه وصونه
وعدل من احواله وخالي
السعاده من حظه ونصيبه
وقادر تعدل من عيوب مراته....

أحبابنا

كان لازم نرضي أحبابنا حتى
لو بدبله لكن الظروف والمشاكل
واقفه دايما ف طريقنا.
ابتعدنا وفضلنا الوحده وطلعنا كدابين
ف نظر عشقنا نشفهم من
بعيد تنزل دموعنا.
ومش مقدرين حبا وإخلاصنا
ولا الظروف اللي بتطاردنا
وانتهت معاهم رحلتنا.
ومن كتر الحزن عليهم اتغيرت
ملامحنا والمرض اصبح طيف بيلازمننا.
كان نفسنا نحقق احلامنا وعشنا احلام
ونسينا ظروفنا والمشاكل اللي بتقابلنا.
اتواعدنا ان محدش ف يوم يفرقنا
ونفذ كلمتنا وتبقى السعاده ملك إندنا.
لكن نسينا ان كل شئ نصيب
وقسمه ومش بختيارنا لكن

ظروف واقفه قدامنا.
نخالف وعودنا ونرجع عن كلامنا
وتنتهي بفشالنا وهموم مع مرور
الأيام بتطاردنا.
مافيش غير الكره اللي ملئ قلوبنا
واصبح الحب مجرد زكري فات
أونها واصبح مشكله داخل نفوسنا.
لما اتخلينا عن وعودنا وأصبحت صفحه
وانتهت من حياتنا لكن دي كانت رغبتنا.
نعيش الحب وننسى ظروفنا والحقيقه
واضحه قدام عينا عشان كده
لازم نرضى بنصبتنا.
ونبعد الحب عن طريقنا لما تيتحسن
أحولنا ونشوف الحبيب
اللي يناسبنا ويقدر حبنا له
واخلاصنا. دي قصيده مهمه هاتفدنا
وتنور قلوبنا ونعرف ان الحب
مسئليه ولازم نكون قد كلامنا.
مش نضحك ع بعض ونتسلى
وف النهايه تنتهي بدموعنا

ونخسر اعز شئ بالنسبانا.
شاعر العصر صاحب كلمه لها
مضمون ومعنى يفدنا وينفعنا
بقصيده جميله تريح قلوبنا
وتسعد أيامنا.
يارب انت الوحيد قادر تنصفنا
وتعدل مشاكلنا وترجعنا لبعض
وتخالي الفرح دايما ملازمنا وتحقق احلامنا.

الوحده

الوحده وسر انزالنا وبعدها
عن كل شئ جميل كان ف يوم يسعدنا
ويملى علينا حياتنا..
يمكن الظروف والمشاكل اللي بتواجهنا
وقسوة الناس اللي عشنا
ومش مقدرين همومنا وأحزاننا.
كان لازم نخالف وعودنا ونفضل
الوحده حتى لو حبينا وعشقنا لكن
الظروف دايم واقفه ف سكتنا.
مع الرغم إخلاصنا وحبنا
واعترافنا لكن دنيا وقاسيه ومحدث
بياخد غير الظلم من اعز شئ ف حياتنا.
لكن دا نصبنا وشئ غصب عنا
اننا نحب ونتخلى عن احبابنا بسبب
الظروف القاسيه والمشاكل اللي بتحوطنا.
فضلنا العزله وعشنا ف وحده

واصبح الحب مجرد زكري وانتتهت
بالنسبانا ومحدث مقدر فقرنا وجوعنا.
انكتب علينا الحب لكن مش من نصيبنا
ونعيش مع ناس مش فاهمه
معنى الاخلاص من وجهة نظرنا.
انسحابنا والدموع ع خدودنا وعاشيين
الحياه وراضين بنصيبنا لكن مافيش
حب نابع من قلوبنا.
وبنكمل فيها مشوارنا وبنحاول نحسن
من عيوبنا ونداوي جراحنا وننسى
اي شئ كان بيملى علينا فراغنا ويسعد أوقاتنا.
فضلنا الصمت والوحده واتحملنا
قسوة أحبابنا وظلمهم لينا مع
الرغم حبنا ليهم واخلاصنا..
دي قصيده مهمه هاتقدنا وتنور
شموع احلامنا ونعرف ان الظروف
والمشاكل عقبه كانت دافع لفراقنا.
شاعر العصر صاحب كلمه لها
مضمون ومعنى يفدنا بإحساس
جميل يشغل تفكرنا وبيعالج مشاكلنا.

يارب بإندك تسعدنا وتفرحنا
وتخالي الحب من تاني يجمعنا
ويكون من نصبنا وتعدل من
أحوالنا وترسم الفرحة داخل قلوبنا.
وتبعدنا عن الوحده وترجعنا زي
ما كنا وتبعد المشاكل عن
طريقنا وتسعد أيامنا.....

اجمل ذكريات حياتنا

اجمل شئ بالنسبه لنا لما نفتكر

اجمل ذكريات حياتنا.

من أيام الطفوله لحد ما إتفرقنا

أوام وبسرعه ينشغل تفكرنا وتنزل دموعنا.

وخصوصا مع أعز وأغلى شئ كان

ف يوم بيرسم الفرحة داخل قلوبنا.

لكن كل واحد بيختار سكه كانت

دافع لفراقنا والبعد مع مرور

أيامنا وتنتهي رحلتنا.

وفجأه تجمعا الدنيا لكن بعد سنين

تكون إتغيرت ملامحنا حتى

أساليبنا وتصرفاتنا.

لكن بتبقى فرحه هزت كيانا وشغلت

تفكرنا وعايزين نرجع كل حاجه

حلوه مرت خلال أعمارنا.

وف نفس الوقت مربوطين بغيرنا

عشان مصالحنا ومستقبلنا وتحقيق
السعادة لأولدنا وكل شخص يلزمنا.
وأصبحنا ف دايره ومش عارفين
نحدد هدف يناسبنا ويريح قلوبنا وأعصابنا.
شويه فرحه وشويه جرح مع مرور
الأيام بيواجهنا ونكبر واحنا لسه ف عز
شبابنا والحياء لسه قدامنا.
نفضل ندعي من قلوبنا ان ربنا يحسن
أحوالنا ويرجع كل حاجه حلوه مرت من بين إندنا.
الفرحه والبسمه والضحكه الصافيه
والعشره اللي كانت ف يوم بتربطنا
وتفضل السعاده شئ جميل دايم ف نظرنا.
لكن الشيطان بيطاردنا ويخالينا نخسر
أعز شئ بالنسبالنا ونضطر
اننا نفشل ف حياتنا.
او نصرف نظر عن ماضينا وذكرياتنا
ونكمل ف الدنيا مشوارنا ونرضى
باللي ربنا قسمهولنا.
ونغير فكرتنا وننسى اي عقبه
او ذكرى جميله كانت ف يوم تجمعنا.

دي قصيده مهمه هاتنفعنا
واحساس جميل ببسحرنا
ويذكرنا بان الدنيا فجأه تجمعنا
وفجأه تكون دافع لفراقنا.
عشان نعرف ان كل شئ مكتوب
ف صحيفه أعمالنا ولا بد ف
يوم يكون مأذرنا وفجأه يبعد عنا.
شاعر العصر صاحب كلمه لها
مضمون ومعنى يفدنا بكلمات
جميله تسحر عقولنا وتشغل تفكرنا.
يارب دمها علينا نعمه واجعل
السعاده من نصبنا وفرحنا بأعز
وأغلى شئ بالنسبانا يكون دافع
لهدايتنا وزكري جميله دايمه ف نظرنا.....

وبلاش تبیع ضمیرك

خاف ع ولادك ومراتك وبلاش
تبیع ضمیرك وتبص دايمًا لغيرك
ارضى بنصيك وإحمد ربك
وبلاش تشغل تفكيرك.
وادی من قلبك انه يحقق حلمك
ويسعد أيامك وانسى اى شئ
بيفسد عليك إنجازك.
واسعى ف إثبات وجودك بين
اهلك وناسك وابعد الشيطان عن طريقك.
وحافظ ع أخلاقك وعشرتك مع
اللي حبك واتمنى يكون خدامك.
وحسن صورتك قدام اعز وأغلى
شئ ف حياتك وانصح غيرك.
وخالك مخلص لأصحابك وافتكر
ربك وقت انهيارك ونزول دموعك.
وخالي الفرع بدايه جميله لتحسين
عيوبك وابتدي صفحه وانسى اللي فاتك.

وجدد دائما من حياتك وحافظ
ع كل شئ ينفك ويفيدك ويكون دافع لنجاحك.
وابعد الفشل من طريقك وراجع
دايما حساباتك وحاول تواجه نفسك وافهم عيبك.
عمر الظلم والخيانة ما هتفيدك
وها تعود عليك بخساره وانت واختيارك.
خالي الحلال دايما قدامك عشان
ربنا يراضيك ويسعدك انت وأولادك.
قرب من مراتك وبلاش تعيش
اواهام وانت لسه ف عز شبابك
قدامك الحلال وانت المسئول عن تصرفاتك.
دي نصيحه وشاعر العصر بيقدمهاك
وانت اللي بتختار سكتك وطريقك.
يأما النجاح يأما فشلك وانهيارك
وكل شئ مكتوب ف صحيفة أعمالك .
دي قصيده مهمه هاتفيدك وتكون
دافع لهدايتك وبدايه جميله لتحسين أخطأك.
وربنا يسعد أوقاتك ويبارك ف
رزقك ويفرحك بولادك وتكون صورته
جميله ف سجل حياتك.

تحسين أوضاعنا

مشاكل وقضايا عصريه كانت
دافع لنهيارنا ونزول دموعنا.
عشان اتخلينا عن ضمائرنا واتنازلنا
عن مبادئنا وفضلنا الشئ السهل
بالنسبانا ودوسنا ع غيرنا.
بهدف نعلی ونحسن من أوضاعنا
ونحقق أحلامنا من غير مانتعب
او نسعى ف تحسين أحوالنا.
عشنا الدنيا بمزاجنا واتخلينا عن كل شئ
يحكمنا ويكون دافع لنجاحنا وتحسين إخلاقنا.
اتعاهدنا ومشينا ف سكتنا وفاكرين
ان هي دي السعاده بالنسبانا
وف النهايه بندفع تمن اجرامنا.
اتخلينا عن شرفنا وعشنا اوهام
مش موجوده غير بس ف خيالنا
والنتيجه نزلت دموعنا.

واتشوهة صورتنا قدام أولادنا
حتي اعز الناس اللي دايمًا تخاف
علينا وتعشقنا.
فيها ايه لو صبرنا والتزامنا
ومشينا زي ما ربنا أمرنا وحافظنا
ع وجودنا وكيانا.
من غير ماحد يعاتبنا ويزكرنا بعيوبنا
لكن طبيعه فينا من يوم ما اتوالدنا.
نحب الشئ اللي هايضمربنا ويكون
دافع لفشالنا وتبقى غلطه تفضل
معانا طول حياتنا.
نقع ونقوم والطمع مسيطر ع عقولنا
حتي العشق والغرام اصبح
شئ أساسي بالنسبالنا.
تركنا طريق الهدايه ومشينا ورا الشيطان
اللي كان سبب ف انحرافنا
والبعد عن اللي خلقنا.
لازم نهدي ونفكر بالعقل والحكمه
ونشوف الصح والشئ اللي ينفعنا .
نبتدي من النهارده نراجع

حساباتنا ونختار الشئ الذي
يناسبنا وع قد ظروفنا.
هاتنحل مشاكلنا وترتاح قلوبنا
وربنا يبارك ف أرزاقنا وتكون
الجنه من نصبنا.
دي قصيده مهمه هاتنفعنا وتكون
بدايه جديده لتحسين عيوبنا
شاعرالعصر صاحب كلمه لها
مضمون ومعنى يفدنا بقصيده
تشغل تفكرنا وتحافظ ع أخلاقنا.....

اختارنا طريقنا

احنا اللي بنختار طريقنا
ودخلنا مدارس واتعلمنا
وعرفنا الصح واللي يفدنا..
اختارنا طريق الشيطان مع الرغم
عارفين انه مش ف صالحنا
لكن دي كانت رغبتنا.
عرفنا العشق والغرام وخونا أعز أصحابنا
حتي الناس اللي بتقوم بخدمتنا.
اتخلينا عن أخلاقنا وبعنا ضمائرنا
وتركنا افضل شئ ف حياتنا القرآن والسنة
سر السعادة بالنسبانا.
وحللنا الحرام والفرحه ماليه قلوبنا
والنتيجه ف النهايه مش ف صالحنا
لكن هي دي طبيعتنا .
عشنا ف الدنيا والعمر بيعدي من بين
إيدنا عايشين الدنيا بمزاجنا.

ولما نحس بغلطتنا نقول
دا نصبنا وشئ غصب عنا مكتوب
من يوم ما اتوالدنا.
وهي دي مشكلتنا نقع ونقوم ونكمل
مشوارنا واصبحت عادته بتلزمنا
وحقيقه داخل نفوسنا.
مع الرغم العلم نور المفروض
يقربنا من بعض مش يبعدنا ويحسن دايمنا من أخلاقنا
ونرضى بنصبنا.
دي قصيده مهمه تنفعنا ف أخرتنا ونشوف الصبح والشئ
اللي يفدنا وينفعنا.
مش نمشى ورا الشيطان والأخر ندفع تمن إجرامنا بعد
ما عرفنا سر الهدايه اللي هاتسعدنا
يارب احسن ختامنا وابعد الشيطان عن طريقنا وفرحنا
بولادنا وخالي الايمان يملئ قلوبنا.
شاعر العصر صاحب كلمه لها مضمون ومعنى يفدنا وينفعنا
بقصيده مهمه تكون بدايه جديده لتحسين عيوبنا.
ف المدرسه والكلية وداخل وخارج بيوتنا حتى ف أعمالنا
نراعي ربنا ونحافظ ع أخلاقنا.....

كلام يجرحنا

هانقول كلام يجرحنا لكن دي الحقيقه
ولازم نوضحها وبدايه جميله تسعدنا.
لما نعدل أخطأها ونشوف الصح
واللي يفدنا ويحسن دايمنا من أخلاقنا
وتبقي حقيقه تفرحنا.
احنا اللي خالفنا السكه ومش راضين
بنصبنا حتى الكره شئ أساسي
ف حياتنا ومن هنا كترت مشاكلنا.
وزادت دموعنا وانجراحنا وهو دا سر
إنهيارنا والدافع الوحيد اللي سر فشلنا
ونزول دموعنا.
إتسرعنا ومشينا ورا غرايزنا حتى الحب
أصبح مجرد كلمه تنتهى ف مكالمه
او مقابله شخصيه ونسينا وعودنا.
خالفنا ضمايرنا ودوسنا ع أعز الناس
اللي تحبنا وتعشقنا وتتمنى تخدمنا

لكن فجأه اندافعنا ومافیش حکمه تنفعنا.
خسرنا أصحابنا ونسينا العشره
وأصبحت مجرد زکری انتهت
بالنسبانا وهو دا سر فثلنا.
خونا أزواجنا وزوجتنا ومشينا ورا أو هام
مش موجوده غير بس ف خيالنا
وانتهت باتفصالنا.
وفضلنا الوحده ودموعنا ع خدودنا
لكن هی دي الحقيقه ولازم ننقشها
ونخالي الحب من تاني يجمعنا.
نمشي زي ما ربنا أمرنا ونحسن
من أخلاقنا ونسعى ف تحقيق أهدافنا
ونحمد ربنا ع النعمه اللي ف إندنا.
وندعي من قلوبنا ان ربنا ينصرنا
ويخالي الإيمان داخل قلوبنا ويبعد
الكره من داخل نفوسنا.
يارب بإندك تنصرنا وتسامحنا
ع أخطأنا وعيوبنا وتحلي الدنيا
دايما ف نظرنا وتحسسننا
دايما بوجودنا وتسعد أيامنا.....

غلطه

كنت بالنسبـالها غلطه
ودلوقت بتدفع تمنها وكل
شويه تشوه سمعتها.
لو جوزها عرف هاتبقى كارثة
وتكون دافع لـانفصالها.
عامل فيها دنجوان طب كنت
اتقدم واطلب اندها.
جاي وعايـز ترجع أيام زمان
طب كنت لبي رغبتها
ولا كله كان كلام ف كلام وجاي
دلوقت عايـز تجرحها
ودلوقت إحلوة ف نظرك بعد
ماغيرك اتجوزها .
كل شويه تهددها وعايـزها تطلب الطلاق
من جوزها وتتنازل عن أولادها.
ياراجل حرام عليك إرحمها

وبلاش تكون دافع لفشالها.
تيتصل بيها وهى ف حضن
ولادها وعاييز ميعاد عشان تقابلها.
فين العدل فين الرحمه لما تخاليها تخون
معاك جوزها وتفسد أخلاقها.
كل شويه تحسبها وأصبحت نقطه
سودا ف حياتها وعقبه واقفه بتواجهها.
كل يوم دمعها ع خدودها وخايفه
لا تفشل ف حياتها .
خالك مثل اعلى بالنسبالها وذكرى
جميله دايم ف نظرها.
و عاييز كل شويه تفضحها وتشوه
صورتها قدام أهلها وصحابها.
اوعى تفتكر انها هاتكون مبسوطه
لما تبعد عن ولادها الأم ام حتى لو باعت شرفها.
هاتمر الأيام وهاتحس بأخطأها وان ف رب ف يوم
هايحاسبها ع أعمالها.
هاتروح فين من رب العزه لما تدخل
النار بسببها وتكون دافع لطلاقها.
اهدى وابعد عنها وخالى الحب

مجرد زکری تفکرها وقت
الوحده والأیام الصعبه اللى بتواجهها.
واتمنالها السعاده وبلاش تقف
ف طريقها وعایز تخرب بيتها
وخالك راجل دایما ف نظرها
دا كل شئ نصیب وقسمه وربنا اللى بيحددها.
ياسیدی عرفنا انك الحب الاول
بالنسبالها لكن كان ماضي
وانتهيت من حياتها.
بلاش عند ومجادله وكلام
مالوش لازمه دى حقيقه
وشاعرالعصر بيوضحها.
موجوده ف مجتمعنا وانا
عن نفسي بنقشها وبنحاول
نعوض سنين جراحها.
دى قصيده مهمه هاتنفعنا لما
نعدل من عيوبنا ونفكر اخطأها.
شاعرالعصر صاحب كلمه
لها مضمون ومعنى بس نقدر أحكامها....

فراق الأحبه

فراق الأحبه بعد سنين
حب وعشره كانت ما بيننا .
لكن كل شئ نصيب وقسمه
مكتوبه ف صحيفه اعمالنا .
كثير مع بعض لعبنا والضحه
ما بتفرقش خدودنا وكانت
الحياه جميله ف نظرنا .
ياما كثير اتعاهدنا اننا نثبت
وجودنا ونحقق أحلامنا .
مع الرغم المشاكل اللى بتقابلنا
لكن كنا إند واحده والحب كان بيجمعنا .
حتى لو فرقتنا الدنيا لكن حبنا
لبعض هو سر السعاده بالنسبالنا .
هى دى الصداقه الشئ الجميل
اللى هايفضل دايما مسيطر ع قلوبنا .
كانت رحله مكتوبه علينا من

بداية حياتنا وفجأه الموت يفرقنا .
تنزل دموعنا فجأه وتبقى صدمه
بالنسبانا لكن هي دي حياتنا
ولازم نرضى بنصبنا .
الف نور ورحمه لأعز شئ ف حياتنا
كان بيملأ علينا فرحتنا .
ويحلى الدنيا دايماف نظرنا
مع الرغم الهموم اللى بتواجهنا .
يارب ارحمنا وصبرنا ع فراق
أصحابنا واجعل الجنه من نصبنا ..

ليه مش مبسوطه

ليه مش مبسوطه ف حياتك
والماضى شاغل تفكيرك ومسيطر ع كيانك..
لو بيحبك هايجيلك دا كل شئ نصيب
وقسمه مكتوبه ف صحيفه اعمالك.
ليه بس تخسري جوزك وولادك
بسبب اوهام مش موجوده غير ف خيالك.
انتى لسه ف عز شبابك والعمر
قدامك وحوزك بيحبك وهايصونك
وينفذ طلباتك.
فكري ف مستقبل ولادك وابعدى
الشيطان من تفكيرك وارجعى لجوزك
وكملى مشوارك.
وبلاش تستسلمى لدموعك وأحزانك
وتخسرى اعز واغلى شئ بالنسبائك
بسبب نزواتك.
والغرام اللى شاغل دايمًا بالك ومعشش
بين احضانك وتخسرى وضعك وكيانك.

المفروض كان نفذ وعده وطلب
ايديك وهاتشوفى كل حاجه قدام عينك.
الحب مش كلام يشغل عقلك ويريح ضميرك
الحب فعل يابنتى صدقيني وربنا
بنفسه يحقق اهدافك
الحياه لسه حلوه بس ارضى بنصيبك
وحققى احلامك مع جوزك وولادك .
اقفلى عليكى بابك وابعدى عن اصحابك
دول مش من مقامك وشوفى مصالحك
وعيشى حياتك.
وانسى الماضى واذكرى ربك وعيدى
حساباتك وحسنى من تصرفاتك
وضللى ع عشك وبيتك.
مش كل حاجه ع هواكى ومزاجك
الماضي مش هايفيدك واتعلمى
ازاى تحسنى من اخطائك.
وربنا يهديكى ويتوب عليكى
وتشوفى نتيجة اعمالك لما
تكون الجنه من نصيبك.....

دموع

ياما ف امور بتشغل عقولنا
وبتكون سبب ف نزول دموعنا.
بتفصلنا وتكون الدافع لفشلنا
وحرماننا من اعز شئ بالنسبانا.
بتزود همومنا وتسيطر ع تفكرنا
وتخلي الحب بعيد عنا.
حتى الفرحه والبسمه من كتر التفكير
اصبح مالهاش معنى يسعدنا.
وتزيد جراحنا والعمر بيعدى من بين
ايدنا وف النهايه بنخسر كيانا.
والمرض يجالسنا والدمع مانسنا
وكل شويه مشكله بتأزرنا.
مش عارفين نرتاح ف دنيتنا
حتى مع اهالينا وصحابنا.
وبعض الناس اللى بتحاول تهدمنا
وتكون سبب ف فراقنا.
مع الرغم صفاء نيتنا وحبنا

واحترامنا لكن امور دايمًا بتواجهنا.
وسر من أسرار حياتنا ملحوظه
ومعادله وكلمه ف جمله بتشعل قلوبنا.
ملهاش حل داخل نفوسنا غير
البعد والوحده وانفصالنا.
من هنا ترتاح قلوبنا بعد ماتعنا سنين
عشان نحقق احلامنا.
والكل يفرح لفرحنا لكن البعض
بيغير منا ويكون السبب ف انهيارنا.
بعد ما اتعهدنا وهانمشى زى
ما ربنا امرنا وكل شئ بالحسنى
لكن اختلفت عقولنا.
وصعب النهارده انك تلاقى شخص
يحبك ويفهم معنى التضحيه وسر اخلاصنا.
واصبحنا كيان بلا معنى وحقيقه
مختلفيه مش موجوده مابيننا.
لكن ربنا ف النهايه بينصرنا
وبعوض سنين جراحنا وبحقق
أمانينا وأحلامنا.
بس نهدي ونصبر وربنا بنفسه

هاكرمنا وهانظره للنور والكل يتكلم عنا.
وعن فكرنا وابداعنا وحسن
نيتنا ومحدث ف يوم هايعرضنا.
لما نوضح الصورة كامله ونبين
ذكأنا واننا قد المسئوليه وهانشرف مصر بلدنا.
بمواهبنا والقدره ع حسم
المهمه ومحدث يحاول
من النهارده يقف ف طريقنا.
ربنا هايسهل امورنا ونكون شعراء القمه
بفكرنا وعلمنا وابداعنا.
انا قد المسئوليه يا استاذنا
ومستعد اتحدى اي شخص
بيحاول يفسد علينا انجازنا.
ويكون سبب ف فشلنا وانهيارنا
ونزول دموعنا وعذابنا....

دنیا

دنیا و متعبه فیها الكلمه الحلوه
وفیها الكلمه المؤلمه وحقیقه بتزود دمعنا.
الفرحه مش من نصبنا
ولا حظنا ولو اتجمعنا الظروف
واقفه ضدنا.
حتى العشره والنيه الطيبه مالهاش
مكان عندنا والكره ملا قلبنا.
واصبحت الخيانه طبع ف دمننا
حتى البسمه اصبحت مؤلمه وذكرى
انتهت بدمعنا.
ولحد النهارده الحب تايه وسطنا
واصبحت الدنيا مجرد كلمه بتجمعنا
وكلمه تفصلنا عن بعضنا.
حكايه بتمر علينا طول عمرنا
مهما كبرنا لازم ف يوم تذلنا.
لكن بندعى ربنا انه يهدى

من طبعنا والحب يفضل
وكل شئ جميل من حظنا.
اهم شئ نسعى ونخلق
السعاده لنفسنا ونشوف
عيوبنا ونرضى ربنا.
هانالقي الدنيا هاتضحكنا
والفرح يدق
ع بيوتنا ويسعد قلوبنا.

كلام وكلام

فى كلام يسعدنا
وف كلام يفرق مابيننا.
اهم شئ نوحده صفوفنا
ونتحمل مع بعض المسئوليه
ونكمل مشوارنا.
الشيطان مش هايسيبنا وهتزداد
همومنا لكن بالصبر ربنا هاينصرنا.
عشان راضينا بقسمتنا ونصبنا
وحافظنا ع صورتنا قدام أعدائنا.
والناس اللى تعرفنا لازم ننسى
ونبعد الشيطان عن طريقنا.
وربنا هاحقق احلامنا والسعاده
هاكون داخل قلوبنا.
وكل شئ بالحكمه عشان نسعد
نفسنا وغيرنا.
نحافظ ع فكرنا وابداعنا ونحل

بنفسنا مشاكلنا ونكون ايد واحده
ف اى شئ يجرحنا.
او يفسد علينا حياتنا ونخلى
الحب دايمًا داخل قلوبنا.
وبلاش نسمع لغيرنا ونشوف
الشئ اللى يسعدنا ويفرحنا.
هاتحلو الدنيا ف نظرنا ونكون
من اهل القمه لما نثبت وجودنا وجدارتنا.
اللى بينا عشره وربنا جمعنا
ليه ندخل ناس مابيننا تفسد علينا انجازنا.
بكلام يتعبنا ويفرقنا ويكون
دافع لفشلنا وانهارنا.
مافيش افضل من الكلمه الحلوه
اللى تهدي القلوب وتريح بالنا.
هانحس بالسعاده مع مرور أيماننا
ونشوف بعيننا حقيقه انتصارنا.
بعد جهد كبير كان بيشغلنا ومسيطر
ع جوارحنا وكان سبب ف خصامنا.
لكن فتره وعدت بسرعه وف النهايه
ربنا جمعنا لكن اتعلمنا.

ان الكلام ساعات يسعدنا
وساعات يكون دافع لفراقنا.
لكن نتحمل ونثبت وجودنا
ونقول لكل ما فيش حاجه
تمنعا من حبا واخلصنا للى خلقنا.
وهاستمر حياتنا ومحدث
هايقف تانى ف سكتنا وهانكمل مشوارنا.
والفرح هايكون من نصبنا
والخير هايعم ع بيوتنا
وترتاح أعصابنا.
بفضل من المولى اللى خالى
قلوبنا صافيه وشئ جميل
يسعدنا ويفرحنا.
شاعر العصر صاحب كلمه
لها مضمون ومعنى تسعدنا
وتحسن دايمنا من أخلاقنا

تفاصيل حياتنا

تفاصيل حياتنا شئ متعب
بالنسبه لنا ودايما بيواجهنا.
مع مرور أيامنا لكن خسرنا
اعز وأغلى شئ ف حياتنا.
بسبب تسرعنا واندافعنا والشك والغيره
اللى كانت سبب ف انفصالنا.
بعد ما إتجمعنا وكان بينا عشره
لكن انتهت فجأه بسبب اندافعنا.
وعرفنا ناس مش من مقامنا
وأصبحت الدنيا بلى معنى
وحقيقه مش ف خيالنا.
واتفرقنا وكل واحد ف سكه
وكان بختيارنا مواقف وكلام دافع لفراقنا.
بعد ما كنا أحبه وخلص
اتعاهدنا لكن الشك سيطر
ع قلوبنا وعقولنا.
وهو دا حال الدنيا تجمعنا

وف النهايه تنتهى بدمع عيوننا .
ويدخل النصيب والقسمه
وتبقى حقيقه واضحه قدامنا .
واصبح الماضى مجرد صوره
مش موجوده غير ف خيالنا
وتفاصيل من حياتنا تشغلنا .
عشان كده لازم نهدي ونحكم
عقولنا وضمائرنا ونخلق
السعاده اللى تناسبنا .
دى قصيده مهمه واكيد هاتلفت
نظرنا عشان نأمن ان كل شئ
مش بختيارنا وربنا بيحدد مصرنا .
مهما الحب كان مجمعا دا شئ
مكتوب ف صحيفه أعمالنا ولا بد يواجها .
شاعر العصر صاحب كلمه
لها مضمون ومعنى تساعد
ع حل مشاكلنا وتحقيق
السعاده اللى تناسبنا .

كلام جميل

لازم نشغل عقولنا بكلام جميل
ينفعنا ويكون دافع لهدايتنا قدام
اعز شئ بالنسبانا.

يقربنا من بعضنا مش يتعبنا
ويكون دافع لفشالنا ونزول دموعنا.
نقدم افضل شئ بيدور ف خيالنا
يهدينا ويطمنا ونسعد نفسنا وغيرنا.

ونبعد الشيطان عن طريقنا
ونكون سبب هدايه ورحمه
لغيرنا تنفعنا ف آخرتنا.

لما ربنا يحاسبنا ع كل كلمه
كتبناها بخط إندنا وتبقى حقيقه
تسعدنا وتشرفنا قدام جمهورنا.
الكل هايحترمنا ويقدر فكرنا
وابداعنا لما نكتب كلام ينفعنا
ويحسن دايمنا من أخلاقنا.
نكون أصحاب رأى وكلمه

وربنا يبارك ف أفكارنا ويخلي
الحب والخير يجمعنا.
بقصيده تفدنا وتخلي الإيمان
يسيطر ع عقولنا وتفكرنا
وترتاح أعصابنا.
وتبقى حقيقه تشرفنا ف وجودنا
وغيابنا حتى بعد وفاتنا
وعظه وعبره لغيرنا.
بس نهدي ونفكر بطريقه تخدمنا
وتكون دافع لهدايتنا وتحسين
صورتنا قدام أولادنا.
صدقوني ياخونا دى قصيده مهمه
واكيد هاتلفت نظرننا وتكون
دافع لنجاحنا وهدايتنا.
شاعرالعصر صاحب كلمه لها
مضمون ومعنى وببسي
ف حلول تناسبنا وتحسن من أخلاقنا.
وربنا يكون راضى عنا وعن
كل كلمه كانت دافع لهداية غيرنا
تسعدنا وتشرفنا قدام كل شخص متابع أشعارنا.....

طمعانه

طمعانه ف جوزها كل اللى
يهمها مصلحتها.
ووقت الجد بيعلى صوتها ومافيش
كلمه حلوه منها يسمعتها.
لا حب ولا ملاطفه وعائشه معاه
والكره ف قلبها محوطها.
اصبحت بالنسباله صدمه ودى
حقيقه والبعض عايشها.
كلامها ليه عباره عن مجادله
ومشاكل كانت سبب ف طلاقها.
كنا فاكرين ان الجواز نعمه
والواحد تراعى مشاعر جوزها.
لكن للأسف اصبح نار ملتهبه
تبقى محرومه وفاكره نفسها .
سندريلا وبیدفع التمن جوزها
الى مسؤل عنها عشان يسد حناكها.
كل يوم مشكل بسببها

والعیشه واللی عایشنها.
كان فاکر انها نسمة هاضل
عليه وتكمل معاه مشوارها.
من غير ماتغلظ وتعرف الناس
ضعف جوزها لكن مؤدبه
مع أهلها وناسها.
وتفرش الورد لما ابوها يدخل
بيتها والضحكه ماليا شفایفها.
ويفضل يستغرب جوزها
ع حبها لأبوها واخواتها.
وعنده مشكله ومش عجاها
عیشتها ولا معترفه بأى
حاجه كانت الدافع لراحتها.
ولما تطلق تبقى زى العرسه
تبص وترجع عشان تعرف أخبار جوزها.
لو الواحده تقدر قيمة جوزها
كانت قدرت من يومها.
دی حقیقه وانا عن نفسی بنقشها
عشان الواحده تقدر قيمة عیشتها.
وتحس بتعب جوزها

وقد ايه بيحاول ع
قد مايقدر انه يسعدها.
ليه الظلم والقسوه
ومش راضيه بنصبها وحاسه
ان جوزها مش قادر ع طلباتها.
وكل يوم لسانها زى النشره
وكلام بيوجع راجلها وحاسه
بجمالها وأنوثتها.
فين بنت البلد المصريه اللى تقف
وعمرها ما إشتكت لجوزها
وحاسه بيه قبل مايكلمها....

النفاق

النفاق ملا قلوبنا
وأصبحت حقيقه داخل نفوسنا.
اهم شئ مصلحتنا ع حساب اعز الناس
اللى ف يوم أكرمتنا.
وكانت السبب ف تحقيق
أحلامنا وظهورنا .
لكن وقت الجد بعنا وخونا
واتخلينا عن ضمايرنا .
واصبح الحب مجرد كلمه ضاعت
مع مرور أيامنا.
ومش قادرين نواجه الناس
اللى كانت سبب ف وجودنا.
ودافع لنجاحنا وتحسين صورتنا
وهى دى مشكلتنا.
نتكلم عن بعض بنيه مش صافيه
والكذب شئ اساسي بيراودنا.
عشان نكمل مشوارنا وتفضل

الصورة زى ماهى جميله ف نظرنا.
ونكون من اهل القمه قدام جمهورنا
ع حساب الناس اللى قدمتنا.
وهانفضل زى ما احنا النفاق والغرور
مصاحبنا واصبحت علامه داخل قلوبنا.
لكن عارفين البدايه من اولها
والسر موجود شاغل عقولنا وتفكرنا.
لكن الكبر واخذنا وحاسين
بماقمنا ومراكزنا .
مع الرغم عيوبنا اللى بتطاردنا
والأخطاء اللى بتخرج من لسانا.
لكن ربنا مطلع ع أسرارنا
وعالم بنيتنا والظلم اللى داخل قلوبنا.
لغيرنا عشان نكون مثل
أعلى وحقيقه جميله تسعدنا.
دى قصيده مهمه ولازم تلفت
نظرنا عشان نحسن
من عيوبنا وأخطأنا.
ونعرف ان ف رب هايحاسبنا
ع أعمالنا لما نموت ومحدث هايخد بإدنا.

حد يسمعنا

نفسنا ف حد يسمعنا
ويقدر فكرنا وابداعنا
ياخذ بادننا ويكون دافع لنجاحنا
ويرسم الفرحة داخل قلوبنا.
ونكون من أهل القمه ونظهر
قدام جمهورنا ونثبت وجودنا وجدارتنا.
ليه الظلم والقسوه
ومش قادرين نسعد اهالينا وناسنا.
لازم ف طريق يوصلنا عشان
نحس اننا قد المسؤوليه ونقدم أشعارنا.
لكن المشاكل واقف دايم
ف سكتنا ومحدث راضى يسمعنا.
ولا بيقدر مواهبنا وتفضل
دموع سايله ع خدودنا
مع مرور أيامنا.
وغيرنا بيسرقنا ولا معانا دليل

واحد ينصفنا ويقول انه تباعنا.
تزداد همومنا ومشاكلنا ويبقى
هو صاحب الكلمة
وف الاساس من وحى خيالنا.
شاعر العصر صاحب كلمه
ومقدر قيمة تعابنا وقد ايه اتظلمنا.
صدقونى ياخوانا دى قصيده
مهمه هاتنفعنا وتكون دافع لتحقيق احلامنا.
عشان كده لازم نسعى
وندور ازاي نحافظ ع فكرنا وابداعنا.
وياذن الله ربنا ف يوم
هاينصرنا ويعلى من مقامنا
مع الرغم دموعنا واحزاننا.
وهانكون من اهل القمه
ومثلا اعلى لأولادنا
والناس اللى تعرفنا
ومغرمه بأشعارنا.....

اجمل شئ

اجمل شئ ف الدنيا ان السعاده
تكون من نصبنا.
وشئ جميل دايم ف نظرنا
ويريح قلوبنا مع مرور أيامنا.
وكل شئ بالعقل والحكمه ونحافظ
دايم ع أخلاقنا ونراعى ربنا وضمائرننا.
ونرضى بالنصيب والقسمه
ونسعى ف حل مشاكلنا
وندور ع حلول تناسبنا.
تسعدنا وتنور طريقنا وتكون
بدايه جميله تزيل همومنا وجراحنا.
بس نهدي ونبعد الشيطان
عن طريقنا ونحافظ ع أخلاقنا
ومحدث يقدر يعاتبنا ويلومنا.
لما نثبت وجودنا وحبنا
واخلاصنا لرب العزه
اللى بيكون دافع لهدايتنا.

وتحسين صورتنا قدام
أعز واغلى شئ ف حياتنا
وتحقيق أحلامنا.
ونقدم فكرنا وابداعنا ونسعد
غيرنا بكلام جميل ينفعنا
ويكون دافع لحترامنا.
دى قصيده مهمه بتبين سر
السعاده بالنسبالنا وقد ايه
الفرحه سر من أسرار حياتنا.
شاعرالعصر صاحب كلمه
وبيسعى ف توصيل المضمون
والمعنى وكلام جميل يريح قلوبنا.
ويكون دافع لتحسين
عيوبنا وتحقيق السعاده
اللى تناسبنا مع مرور أيامنا....

محتوى الكتاب

2	بطاقة الكتاب
3	الإهداء
4	يا أهل العلم والحكمة
8	جرح الحبيب
10	الغرور
13	إحساس جميل
16	قسمة ونصيب
18	إرجع عن قرارك
20	مكانش دا كلامك
23	ما أقدرش ألومك
25	اتظلمنا
28	الحب هايفضل
31	كلام معقول
33	إمرأة غريبة
37	ليالى الحب
39	واجبنا
42	حسن النية
44	الكلمة الطيبة
49	زهقان
53	أحبابنا

56	الوحده
56	أجمل ذكريات حياتنا
62	وبلاش تبيع ضميرك
64	تحسين أوضاعنا
67	اختارنا طريقنا
69	كلام يجرحنا
71	غلطة
74	فراق الأحبة
76	ليه مش مبسوطه
78	دموع
81	دنيا
83	كلام وكلام
86	تفاصيل حياتنا
88	كلام جميل
90	طمعانه
93	النفاق
95	حد يسمعنا
97	أجمل شىء
99	محتوى الكتاب